

PALATINAT RHENI.

400

Imperium majo-
rum.

alterum adscendendo superet. Si Accipiter altiore obtinuerit locum, impetu quodam obruit hostem atque extinguit. Sed ad rem. Fuerunt ab initio Palatini Palatiorum Præfeti, præsertim in Curiis Imperatorum, quos Franci olim *Maiores-domus* vel *Palatii* vocaverunt. Quando autem ditio Palatinatus Rheni fuerit instituta, & ubi locorum Palatini Rheni ante quadringentos & quingentos annos se continuerint, non licuit mihi investigare, variæ enim hic hominum conjecturæ. Sunt qui aiunt primos Palatinos simplices fuisse Nobiles, usque ad tempora Ortonis 111, quando Principes Electores fuerunt constituti: tunc enim illis major dignitas fuit constituta. Primus Palatinus Elector fuit *Henricus*, qui cum ceteris Electoribus Anno 1111 Imperatorem constituit D. Henricum. At ubi suam habuerit Curiam, cui præfederit regioni, quos audientes habuerit populos, ipse & aliquot ejus successores, a nullo inveni scriptum, inquit Muusterus, nec Principes ipsi qui hodie præfident Palatinatui id sciunt, nisi quod quidam, sed sine certo testimonio, putant Principes Palatinos olim Wormaciæ consedis, & magnam in ea Vrbe habuisse jurisdictionem. Hoc constat, Conradum Ducem Franconiæ anno 1111 suam sedem Wormaciæ habuisse de Principe Palatino nihil tale invenitur. Sedes hic olim *Intuergorum*, *Nemetum* etiam & *Vangionum*, ut nonnulli opinantur. *Intuergeri*, Germaniæ populi: Hos *Peucerus* in Palatinatu constituit circa Heydelbergam, quæ regio etiam *Capellatium* & *Pallas* vocata fuit, ut supra ex Marcellino retuli. *Nemetes*, Ptolemæo & aliis, Germaniæ ad Rhenum populi, finitimi Metensibus, Argentinesibus, Wormaciensibus; *Spiers* hodie urbs Episcopalis in Germania B. Rhenano. *Augusta Nemetum* hæc Aethico. *Vangiones* Ptol. itidem Germaniæ populi ad Rhenum: *Wormbser Bisthums* B. Rhenano & Lichtenavio. Sed contra affirmat Pirchaymerus, *Vangiones* esse *Spiersenses*, *Nemetes* vero *Wormacienses*. Rationem addit Irenicus, nempe quod Ptolemæus, qui in descriptione Rheni solitus sit a Meridie in Septentrionem decurrere, primum meminit Vangionum, deinde Nemetum. Sig. Gemblacensis tamen, qui ante annos scripsit circiter quingentos, Wormatiam Vangionum Urbem vocat. Wormatiam Urbem olim vocatam *Vangionum* speculam, ex antiqua ibidem inscriptione, colligit quoque Ioannes Heroldus. *Vaingen* interpretatur Lazius. Urbes memorantur 1111, quarum Caput *Heydelberga*, Principis Palatini sedes. Nomen habet vel a gentibus, hæ enim Germanis dicuntur *Heyden*: vel a Myrto, quem iidem vocant *Heydelbeer*, atque ob hanc causam eruditissimus Melissus eam urbem appellat *Myrtillerum*. *Durlacum*, cujus meminit Abbas Vrspergensis Pyramio est; quod aliis *Durlach*, & rectius Ioannes Heroldus vocat *Capellatium*, aliis tamen *Capellatium* est ipse Palatinatus, ut modo diximus. Munstero tractus est quæ iter Francofordia Heydelbergam, *Bergstras* dictus. Sunt etiam qui Ptolemaicam *Budorin* hic sitam fuisse putent; sed hi præter inanem conjecturam nihil adferunt. Budorimenim statuit Ptolemæus Latitud. graduum 11. Quum Heydelberga habeat latitudinem Graduum duntaxat 11: Min. xxxv; vulgo *Heydelberg*. Sunt alii qui contendunt legendum & scribendum *Edelberg* quod sonat nobilem Montem: alii vero *Edelberg*, quod meros Montes significat. Sita est ad Nicrum sive Neccarum flu., in faucibus Montium.

Urbes.

Celedris